

“Bunglwng bunglwng……” youh miz gyaq ciiq ndeu youq giz gutgoz “aeu hoenz” vunz haenx bongh roengz reih haeuxyangz laj dat bae, yienznaeuz ci vaih lo, hoeng, vunz mbouj suenq sieng naek. Gij saeh raemhrwnh fatseng neix sawj song boux vunz cungnienz hwk dwk hoenz mbouj youq ndang.

Giz roen gutgoz “aeu hoenz” vunz neix, dwg gizdieg gutgoz roengz ndoi ndeu. Giz goz mbiengjndaw dep bya sang, mbiengjrog dep dat laeg. Dat laeg aiq miz 20 lai mij laeg, laj dat dwg gaiq reih haeuxyangz ndeu. Couh dwg giz gutgoz yawj daeuj mbouj miz maz daegbied haenx, geij bi neix daeuj seizseiz ok saehyak, ndigah vunz dangdieg heuh de guh giz roen gutgoz aeu “hoenz vunz”, de caen aeu bae haujlai diuzmingh vunz bw.

Saehyak ndawde, miz bouxsieng boux dai boun danggyad, gyoengq bouxhaici mingh ndei haenx, yawj le yawj giz gutgoz neix, hix yawj mbouj ok miz maz mbouj doengz, ciuq cangzgveih bae hai ci, wnggai mbouj oksaeh ndaej ha, hoeng, gyoengq bouxhaici baenzlawz hix cungj siengi mbouj doeng. Vunz dangdieg naeuz: Giz gutgoz neix, hoenz gaeuq ciep hoenz moq, moix bi cieq noix aeu boux hoenz moq ndeu bae.

Miz vunz lwnhnaeuz, haemh ndeu, bouxvunz mbanj gyawj ndeu daj reih haeuxyangz laj dat byaij gvaq, sawqmw h dingqnyi sing cauzhuhu, lumj dwg ganggoj youh lumj dwg doxceng, ngeng rwz baez dingq, youh dingq mbouj ok dwg gangj maz vah, boux haenx yawjyawj seiqhenz, dan miz sing gangj mbouj raen vunz, de hwk dwk gyaеuј cumh ndang saenz, daengx ndang caepcatcat, de cacoemj soemxsax buet ma ranz. Mbouj geij nanz de baenz ciengz bingh naek ndeu, mbouj geij nanz couh dai bae lo. Vunzmbanj naeuz de deng hwk mw hhaenx, hoenz gaenq ngaiz giz roen gutgoz aeu bae, yawz ndoj ndaej gvaq ciengz nanh neix?

Lij miz vunz lwnhnaeuz, ngoenz ndeu banringz, boux coz ndeu hai mohdozceh gvaq giz roen gutgoz neix, mumj mumj gymqgyumq dingq–



nyi singgyangz daj laj dat cienz daeuj, de laihnaeuz miz vunz doek dat, dingz ci roengzdaеuј yawj, baez dingz ci, singgyangz mbouj miz lo, hix mbouj raen miz riz fan ci, de geizheih dwk yiengq laj dat hemq “miz vunz lwi?” Hemq geij sing cungj mbouj miz vunz

han, de hwnj ci ngamq hai bae song mij gyaе, singgyangz youh cienz daeuj lo, de baez dingz ci, singgyangz youh dingz lo, de youh yiengq laj dat hemq geij coenz “miz vunz lwi?” Hoeng, ciuqyiengh mbouj miz vunz dap vah, seizhaenx de hoenz mbin nyouh yaet

dangzvaq, doq simvueng dwk hai ci bongh baenaj.

Mwhgonq laj dat miz aen miuh ndeu, vunz dangdieg haengj youq gizde gingq baed dojdeih. Geij bi gonq cwngfuj gaihcanj baetcawz maezsaenq hozdung cek miuh bae. Gyoengq vunz dangdieg naeuz couh dwg aen miuh deng cek bae, mauhfamh le duzbaed dojdeih, ndigah duzbaed dojdeih youq giz roen gutgoz neix sou aeu hoenz vunz bae dangguh fad vunz gwnz–biengz, ndigah gizhaenx geij bi daeuj laebdaeb ok saeh gyaudoeng.

Vunz dangdieg naeuz, gij sing haenx dwg gij vunz youq giz dieg roen gutgoz ok saeh gyaudoeng dai bae haenx. Gangj daengz giz gutgoz neix, boux gangj maz cungj miz, gij goj de yied lwnh yied geizheih, yied gangj yied saenzgeiz, neix lainoix sawj bouxdingq sim diuq mbei dek, byoemgyaeuj daengj caez. Ndigah vunz dangdieg moix baez gvaq gizneix cungj dwg siujsim yupyup, hoeng, lij miz haujlai ci diegrog youq gizneix ok saehyak. (caengz sat)

Sai: Aeu faenh gou soj damz
Dangq doengz(luengz) hamh dietding
Coulhumj daeg Cungq Gingh
Bae mbiengjim(mbiengjyaem) dox–riengz

Song mbiengj cix miz sim
Bya cek cinh(cungj) mbouj sanq
Aeu faenh gou soj damz
Dangq doengz hamh dietding

Niemh doenghbaez hwnjdaeuj
Yaek baenz lawz vit sim
Couh lumj daeg Cungq Gingh
Bae mbiengjim doxriengz

Mbwk:Gangj coenz liux daeuj daengz
Rongh mbouj raen najbyak
Daengngoenz miz ciuq bak
Gou yaek rap gaxgonz

Du Cibniengz raw ga
Guh dwk gah(gag) diuq daemz
Gangj coenz liux daeuj daengz
Rongh mbouj raen najbyak

Siengj Aeu Fwngz Bae Mbaet 想用手去摘

□Veiz Yinghcaiz/危英才

Vah mbouj yaek mbouj daengq
Lau gvaqlaeng cij cat(ienq)
Daengngoenz miz ciuq bak
Gou yaek rap gaxgonz

Sai: Beix gou baenzneix daez
Siengj haemq gyaе siuјmeiq
Ndwi(mbouj) dwg saek ngoenz ndei
Vih baenzseiq vuenyungz

Sam nyied seiz vavengi
Lumj seiq lengq rongh gyaе
Beix gou baenzneix daez
Siengj haemq gyaе siuјmeiq

Ciuq coenz vah daeuj naeuz
Aeu baenzciuh daxgyaеz
Ndwi dwg saek ngoenz ndei

Vih baenzseiq vuenyungz

Mbwk: Raeuz caez vih baenzgya
Yaek miz maz goj ienq
Dangq saihoz bouxmbiengj
Caemh ngaeux donq sei lienz

Muengh raeuz ndaej doxcaeuq
Lumj siglouz hai va
Raeuz caez vih baenzgya
Yaek miz maz goj ienq

Ndei yak cungj doxbaengh
Vih daengzcoг doxriengz
Dangq saihoz bouxmbiengj
Caemh ngaeux donq sei lienz

(caengz sat)

Ciepraen sat le, Veiz Gozcingh lienzhaemh caeuq Vei Youcu、Ciuh Hungzgvangh、Ho Cwngzcungh (55 ginh boux fuginhcangj, boux goeng–daeuz Liujcouh Lienzhab Dingjrengz Cojgingj Bangunhsiz) gij vunz camgya hai hoih haenx doxyaeng, faen Namzningz、Liujcouh、Gveilinz baenz sam aen cuj ngeixyaeng gaijgez dietloh doengci gij fueng’ anq neix, caemh–caiq raiz le gij bonjgauj baugau vwndiz gvendaengz dietloh doengci haenx hawj cunghyangh. Cigdaengz 18 hauh gyanghaet 4 diemj lai cung, gyoengqde cij daj Yinzminz Daveidangz deuz bae ranzyouq.

Caenhguenj cunghyangh baecinj le baugau, hoeng ciuqyiengh mbouj ndaej gvancez roengzbae, dietloh vanzlij mbouj doeng, hoenxdaeuq yied ngoenz yied haenq, lumjbaenz gig nanz sousib.

Seizhaenx, daengx guek 29 aen swngj、swcigih caeuq cizyazsi, gaenq miz 24 aen laebbaenz le gwzvejvei.

Cunghyangh saedcaih nyaenx mbouj ndaej gij yiengh Guengjsae lo, cix caenh’ itbouh yungh le gij cosih yiemzlig.

Ndwen 7 ngoenz 24 daengz ngoenz 25 gyanghaet, Couh Wnhlaiz daengj goengdaeuz ciepraen le gij daibyaу song baij Guengjsae caeuq mbanj ganbu diegfueng caeuq bingdoi h youh daeuj Baekging banh banhagsib haenx. Couh Wnhlaiz gig hozndat gij saehcingz yakrwix Guengjsae, de naeuz: “Guengjsae cungj hoenx ndaej mbouj baenzyiengh

lo! Mbouj miz saek aen swngj lumj sou yienghneix, yaek ndaej song ndwen mbouj doengci lo. Caiq mbouj doengci lij baenz maz yiengh ha? Banringzgvaq neix couh aeu guhbaenz hezyi, itdingh aeu hawj dietloh ndaej doeng. Byawz gamj veizfanj couh yaek famhloek.” De iugouz song baij dauqbae le cungj aeu gag guh genjcaz, cingjleix vunzvaih, guh ok hengzdoengh.

Ndwen 7 ngoenz 28 gyanghaet, Mauz Cwzdungh gaenjgip ciuraen le 5 boux bouxdaeuz “baijcauhfanj” gauhag baekging, heuh gyoengqde

dingzsat hoenxdaeuq, caemhcaiq yiemzlig gingjgauq gyoengqde naeuz: “Seizneix caiq fat aen bugau hawj daengx guek: danghnaeuz byawz vanzlij laebdaeb veizfanj, dub gaijfangginh、buqvaih gyaudoeng、gaj vunz cuengqfeiz nei, de couhdwg famhcoih; danghnaeuz dingznоix vunz mbouj dingq yienq, cengq dai mbouj gaij nei, de couhdwg caeggeq, couh–dwg gozminzdangj, couh yaek humx de hwnjdaeuj, danghnaeuz vanzlij cengqgengz doxdingj nei, couh yaek siumied de bae.” (caengz sat)

Veiz Gozcingh Sangcieng Cawj– guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz